

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst (Službene novine Zeničko-dobojskog kantona", broj: 7/10 i 3/23), Odluke o davanju saglasnosti na Plan zaštite, održavanja, rekonstrukcije i izgradnje regionalnih cesta za 2026. godinu, Kantonalne direkcije za ceste, broj: 02-23-2817/26 od 13.02.2026. godine i tačke V Plana zaštite, održavanja, rekonstrukcije i izgradnje regionalnih cesta za 2026. godinu Kantonalne direkcije za ceste, broj: 12-2-23-1751/25 od 09.02.2026. godine, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 124. sjednici, održanoj 10.04.2026. godine, d o n o s i

ODLUKU

o odobravanju sredstava za isplatu naknade za ekspropriisanu nekretninu

Član 1. **(Predmet)**

Odobravaju se sredstva u ukupnom iznosu 8.800,00 KM (slovima: osamhiljadaosamstotina konvertibilnih maraka) za isplatu naknade za nekretninu ekspropriisanu pravosnažnim rješenjem Službe za imovinsko-pravne, geodetske poslove i katastar nekretnina Grada Zenica (broj: 04-27-7081/21-6 od 10.03.2025. godine).

Član 2. **(Iznos naknade)**

Iznos naknade je utvrđen sporazumom o naknadi koji ima snagu izvršne isprave a dio je zapisnika o sporazumnom određivanju naknade zaključenog pred organom uprave Službom za imovinsko-pravne, geodetske poslove i katastar nekretnina Grada Zenica sa vlasnikom nekretnine koja je predmet eksproprijacije u svrhu izgradnje Glavne gradske magistrale u Zenici (vangradska dionica – Faza 01.) u sastavu regionalne ceste R445 dionica Lašva Zenica u dužini 1,25 km. Tačno utvrđen iznos naknade bit će isplaćen na račun ranijeg vlasnika nekretnine, kako je prikazano u slijedećoj tabeli:

Broj parcele	Raniji vlasnici nekretnina	Broj Rješenja o eksproprijaciji	Iznos naknade / KM
476/3	TUP TOPLOTA d.o.o. Zenica	04-27-7081/21-6	8.800,00
	UKUPNO ZA ISPLATU		8.800,00

Član 3. **(Izvor sredstava)**

Sredstva iz člana 1. ove odluke isplatit će se iz Budžeta Zeničko-dobojskog kantona za 2026. godinu (Službene novine Zeničko-dobojskog kantona", broj: 24/25 i 5/26), razdjel 19 – Ministarstvo za prostorno uređenje, promet i komunikacije i zaštitu okoline, budžetska organizacija 03, potrošačka jedinica 0001, ekonomski kod 821100 sa pozicije „Nabavka

zemljišta, šuma i višegodišnjih zasada“ – Izvor 30 iz namjenskih sredstava Kantonalne direkcije za ceste u Budžetu Zeničko-dobojskog kantona za 2026. godinu.

Član 4.
(Realizacija Odluke)

Za realizaciju ove odluke zadužuju se Kantonalna direkcija za ceste u sastavu Ministarstva za prostorno uređenje, promet i komunikacije i zaštitu okoline i Ministarstvo finansija, svako u okviru svojih nadležnosti.

Član 5.
(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-7138/26
Datum, 10.04.2026. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za prostorno uređenje,
 promet i komunikacije i zaštitu okoline,
3x Kantonalna direkcija za ceste,
1x Ministarstvo finansija,
1x „Službene novine Zeničko-dobojskog kantona“,
1x a/a.